

Oqaluuserisassanut nassuiaat.

(Inatsisartut Siulittaasuut)

Ilasortat uku akornganni taasisarnerit pillugit isumaqatigiissuteqartoqarpoq:

Múte B. Egede, Inuit Ataqatigiit, aamma Randi V. Evaldsen, Demokraatit, marsip ulluisa 24-iannit 26-iat ilanngullugu.

Iddimangiu Bianco, Inuit Ataqatigiit, aamma Ineqi Kielsen, Siumut, marsip ulluisa 24-iannit 26-iat ilanngullugu.

Kim Kielsen, Siumut, aamma Sara Olsvig, Inuit Ataqatigiit, marsip ulluisa 24-iat,

Aamma

Per Rosing Petersen, Partii Naleraq aamma Lars-Emil Johansen, Siumut, marsip ulluisa 24-iannit 26-iat ilanngullugu..

Oqaluuserisassani immikkoortut tulliuttut nuunneqarnissaat Siulittaasoqarfiup akuerisimavaa:

Siunnersuutit uku marluk ataatsimut oqaluuserineqartussat imalu qulequtallit:

Imm. 36: Piitsuussutsip killinganik kingusinnerpaamik UPA 2016-imut atatillugu aalajangersaaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut

(Inatsisartunut ilaasortaq Aaja Chemnitz Larsen, Inuit Ataqatigiit), aamma

Imm. 37: Ilaqutariit meerartallit akornanni piitsuussuseq immikkut ukkataralugu aningaasatigut naligiinnginnerup piitsuussutsillu akiorneqarnissaanut iliuusissatut pilersaarusoqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Iliuusissatut pilersaarut kingusinnerpaamik UKA 2016-imut atatillugu inaarsarneqareersimassaaq.

(Inatsisartunut ilaasortaq Inatsisartut Aaja Chemnitz Larsen, Inuit Ataqatigiit)

Siullermeerneqarnissaat aprilip ulluisa 15-iannit 23-annut, aappassaaneerneqarnissaallu maajip ulluisa 20-annit 27-annut nuunneqarput.

Imm. 71: Uunga siunnersuut: SIKUKI Nuuk Harbour A/S aamma Nuummi umiarsualiviliorneq pillugu Inatsisartut inatsisaat nr. xx, xx.xx.2015-imeersoq.

(Naalakkersuisut Siulittaasuut)

Taanna ulluni 14. april, 12. maj aamma 21. maj suliarineqartussaagaluarpoq, taakkuli maanna

ullunut 21. april, 19. maj aamma 28. majimut nuunneqarlutik.

Imm. 54: Upernaviup eqqaani nunaqarfimmi Kullorsuarmi timersortarfiliornissamut Naalackersuisut AIS 2016-mut 25 mio. koruninik immikkoortiteqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Hans Enoksen, Partii Naleraq)

Siuartinneqarpoq maanna ulloq 14. april siullermeerneqartussanngorlugu, ullorlu 26. maj aappassaaneerneqartussanngorlugu.

Aningaasaqarnermut Akileraartarnermullu Ataatsimiititaliaq isumaliutissiissusiornissaminut piffissaqarnerorusulluni qinnuteqarpoq oqaluuserisassani imm. 7-ip 2015-imut aningaasanut inatsisissatut siunnersuutip (AIS15-II) aappassaaneerneqarnissaata pingajussaaneerneqarnissaatalu nuunneqarnissaannik.

Siunnersuut maanna ulloq 14. april aappassaaneerneqartussatut ullorlu 30. april pingajussaaneerneqartussatut inissinneqarsimavoq. Ataatsimiititaliap siunnersuutigaa suliarinninnissat pineqartut ullunut 22. aprilimut aamma 12. majimut nuunneqassasut.

Tamanna tunngavigalugu siunnersuutigineqarpoq siunnersuutit pingasut ataatsimut suliarineqartussat siullermeerneqarnissaat nuunneqassasoq. Taamaalilluni siunnersuutigineqarpoq immikkoortut 120, 121 aamma 122 siullermeerneqarnerat pissasoq ulloq 14. april, ulloq 27. maj aappassaaneerneqarlutik.

Siunnersuutit pineqartut qulequtaraat:

Imm. 120: Aningaasaateqarfimmi aningaasat katersat ileqqaakkallu erniaat taamaallaat atorneqarsinnaaneri siunertaralugu Aatsitassarsiornermi Aningaasaateqarfik pillugu Inatsisartut inatsisaannut nr. 6, 5. december 2008-meersumut allannguutissamik saqqummiussinissaannik Naalackersuisut peqquneqarnissaannut Inatsisartut aalajangiiffigisassaattut siunnersuut.

Imm. 121: Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata nr. 6, 5. december 2008-meersup allanngortinneqarnissaanut Naalackersuisut peqquneqarnissaannut Inatsisartut aalajangiiffigisassaattut siunnersuut, imaalillugu Inatsisartut ukiut tulleriissut aappassaanni nunatta karsiata naatsorsuutaanik aatsaat akuersereeraangata aningaasaateqarfik aallartinneqartassasoq, aatsaallu ukiumi naatsorsuiffiusumi aatsitassanit isertitat 10 millioner kroninit annertunerusimappata. Inatsisartut inatsisaat ukiup tullissaani 1. januarimi atutilissaaq imaluunniit Naalackersuisut aalajangiippata siusinnerusukkut. 10 millioner kronit taaneqartut Inatsisartut ukiumi pineqartumi Aningaasaqarnermut inatsisaat naapertorlugu ataatsimut isigalugu akit akissarsiallu nalingannut naleqqussarneqartassapput.

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata nr.

6, 5. december 2008-meersup allanngortinneqarnissaanut kingusinnerpaamik UPA2016-imi Naalakkersuisut peqquneqarnissaannut Inatsisartut aalajangiiffigisassaattut siunnersuut, imaalillugu Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaanni aatsitassarsiornermit isertitanut paasinninnera Namminersoneq pillugu inatsimmi aatsitassarsiornermit isertitanut paasinninnermit immikkoortinneqassasoq. Allannguinnermi tigussaasumik atortut, soorlu oliamik maqisuunnginnissamut atortut, illuutit sanaartukkalluunniit allat atortullu Kalaallit Nunaata Aatsitassarsiornermi Aningaasaateqarfiani aatsitassarsiornermit isertitatut naatsorsuutigineqannginnissaat allanneqartariaqarpoq.

Immikkoortut pingasut taakku tamarmik Inatsisartunut ilaasortamit Naaja H. Nathanielsenimit, Inuit Ataqtigiit, siunnersuutaapput.

Ilaqtariinnermut Peqqissutsimullu Ataatsimiititaliaq qinnuteqarpoq imm 98: Uunga siunnersuut: Siusinaartumik pensionisiat pillugit Inatsisartut inatsisaat nr. xx, xx.xx 2015-imeersaq.

(Ilaqtariinnermut, Naligiissitaanermut Isumaginninnermullu Naalakkersuisoq) UKA2015-imut kinguartinneqassasoq, misissuinissaminut, tusarniaanissaminut oqalliseqarnissaminullu ataatsimiititaliaq piffissaqarnerorusummat.

Partii Naleraq sinnerlugu ilaasortat sinniisussaasa allattorsimaffianni sinniisussap siulliup Henrik Fleischerip qinikkatut pisussaaffittut atuuffimminut atuukkunnarnissaminik qinnuteqaataanik Siulittaasoqarfik tigusaqarsimavoq.

Tamanna pisinnaavoq Suleriaatsimi § 56, imm. 1, oqaaseqatigiit siullit, ima oqaasertaqartut malillugit:

”Inatsisartunut ilaasortaq Inatsisartunit tunuarumalluni qinnuteqaateqarpat Inatsisartut aalajangissavaat qinnuteqaat akuerineqassanersoq. Inatsisartunut qinersinnermi qinersinnermik allattaavimmi sinniisussat allattorsimaffianni ilanngunneqarsimalluni sinniisussaq qinikkatut sulinnnginnissaminik qinnuteqarpat qinnuteqaat akuerineqarsinnaanersoq Inatsisartut aalajangissavaat. Qinnuteqaat Inatsisartut ataatsimiinnerata avataatigut saqqummiunneqarpat Inatsisartut sinnerlugit Inatsisartut Siulittaasoqarfiata aalajangissavaa.”

Tamatumunnga oqaasissaqartoqarnerluni?

Taamaalilluni qinnuteqaat akuerineqartutut isigineqarpoq.